


童蒙先習




內閣文庫		
函	冊	號
五九	九	五〇四
函	冊	號
五九	九	五〇四
函	冊	號
五九	九	五〇四

全

儒家十八


內閣文庫		
番號	漢	9504
冊數	1 ( 1 )	
函號	299	161

299-161



童蒙先習

淺草文庫



天地之間萬物之衆唯人最貴所貴乎人者以其  
 有倫也是故孟子曰父子有親君臣有義夫婦  
 有別長幼有序朋友有信人而不知有五常則其  
 違今不遠矣然則又慈子孝君義臣忠夫和婦  
 順兄友弟恭朋友輔仁然後方可謂之人矣

父子

父子天性之親生而育之愛而教之奉以承之孝  
 而養之是故教之以義方不紉於邪柔聲以諫不  
 使得罪於鄉黨州閭苟或父而不子其子子而不

500-101

父其父其何以立於世乎雖然天下無不是底父  
母父雖不慈子不可以不孝昔者大舜父頑母嚚  
嘗欲殺舜舜克諧以孝烝烝乂不格姦孝子之道  
於斯至矣孔子曰五刑之屬三千而罪莫大於不  
孝

忠臣

君臣天地之分尊且貴焉卑且賤焉尊貴之使卑  
賤賤之事尊貴天地之常經古今之通義是故  
君者體元而發號施令者也臣者調元而陳善閑  
邪者也會遇之際各盡其道同恭協恭以臻至治

苟或君而不能盡君道臣而不能修臣職不可與  
共治天下國家也雖然吾君不能謂之賊昔者商  
紂虐比干諫而死忠臣之節於斯盡矣孔子曰  
臣事君以忠

夫婦

夫婦二姓之合生民之始萬福之原行媒議婚紙  
幣親迎者厚其別也是故娶妻不娶同姓為宮室  
辨內外男子居外而不言內婦人居內而不言列  
苟能莊而蒞之以體乾健之道柔以正之以承坤  
順之義則家道正矣反是而夫不能專制御之不

以其道婦乘其夫事之不以其義三從之道有  
七去之惡則家道索矣禮是夫敬其身以帥其婦  
婦敬其身以承其夫內外和順父母其安樂之矣  
昔者鄧綯其妻饁之敬相待如賓夫婦之道常如  
是也子思曰君子之道造端乎夫婦

長幼

長幼天倫之序兄之所以為兄弟之所以為弟長  
幼之道所自出也蓋宗族鄉黨皆有長幼不可紊  
也徐行後長者謂之弟疾行先長者謂之不弟是  
故年長以倍則又事之十年以長則兄事之五年

以長則肩隨之長慈幼幼敬長然後無侮少凌長  
之弊而人道正矣而况兄弟同氣之人骨肉至親  
尤當久愛不可藏怒宿怨以敗天常也昔者司馬  
光與其兄伯康友愛尤篤奉之如嚴父保之如嬰  
兒兄弟之道當如是也孟子曰孩提之童無不知  
愛其親及其長也無不知敬其兄也

朋友

朋友同類之人益者三友損者三友友直友諒友  
多聞益矣友便辟友善柔友便佞損矣友也者友  
其德也自天子至於庶人未有不須友以成者也

其分若踈而其所關為至親是故取友必端人擇友必勝己要當相責以善切切惇惇忠告而善道之不可則止苟或交遊之際不以切磋琢磨為相與但以歡狎戲譁為相親則安能久而不踈乎昔者晏子與人交久而敬之朋友之道當如是也孔子曰不信乎朋友不獲乎上矣信乎朋友有道不順乎親不信乎朋友矣

### 總論

此五品者夫叙之典而人理之所固有者人之行不外乎五者而唯孝為百行之源是以孝子之事

親也雖初鳴咸與漱適父母之所下氣怡聲問衣燠寒問何食飲冬溫而夏清昏定而晨省出必告反必面不遠遊遊必有方不敢有其身不敢私其財父母愛之喜而不忘惡之懼而無怨有過諫而不逆三諫而不聽則號泣而隨之怒而撻之流血不敢疾怨若則致其敬養則致其樂病則致其憂喪則致其哀祭則致其嚴若夫人子之不孝也不愛其親而愛他人不敬其親而敬他人惰其四支不顧父母之養博奕好飲酒不顧父母之養縱耳目之好以為父母戮好勇鬪狠以忘父母噫欲觀

其人行之善不善必先觀其人之志不孝可不慎哉可不懼哉苟能孝於其親則推之於君臣也夫婦也長幼也朋友也何往而不可哉然則孝之於人大矣而亦非高遠難行之事也然自非生知者必資學問而知之學問之道無他將欲通古今達事理存之於心體之於身可不勉其學問之力哉茲用按其歷代要義書之左夫蓋自太極肇判陰陽始分五行相生先有理氣人物之生林林總總於是聖人首出繼天立極天皇氏地皇氏人皇氏有巢氏燧人氏是謂太古在書契以前不可考伏

羲氏始畫八卦造書契以代結繩之政神農氏作耒耜劑醫藥黃帝氏用干戈作舟車造曆算制音律是謂三皇至德之世無為而治少昊顓頊帝嚳帝堯帝舜是為五帝皋陶稷契佐堯舜而堯舜之治卓冠百王孔子定書斷自唐虞夏商湯周文王武王是為三王歷年或四百或六百或八百三代之隆後世莫及而高之伊尹傳說周之周公召公皆賢臣也周公制禮作樂典章法度粲然極備及其衰也五霸樓諸侯以匡王室若齊桓公晉文公宋襄公秦穆公楚莊王迭主夏盟王業不振孔

子以天縱之聖輒環天下道不得行于世詩書定  
禮樂贊周易修春秋繼往聖開來學而傳其道者  
顏子曾子事在論語曾子之門人述大學列國則  
曰魯曰衛曰晉曰鄭曰曹曰蔡曰燕曰吳曰齊曰  
宋曰陳曰楚曰秦干戈日尋戡爭不息遂為戰國  
秦楚燕齊韓魏趙是為七雄孔子之係子思生斯  
時作中庸其門人之弟孟軻陳王道於齊梁道又  
不行作孟子七篇而異端縱橫功利之說盛行吾  
道不傳及秦始皇吞二周滅六國廢封建為郡縣  
焚詩書坑儒生二世而亡漢高祖起布衣成帝業

曆年四百在明帝時西域佛法始通中國惑世誣  
民蜀漢吳魏三國鼎峙而伏羲扶漢病卒軍中晉  
有天下曆年百餘五胡亂華宋齊梁陳南北分裂  
隋能混一曆年三十唐高祖太宗乘隋室亂化家  
為回曆年三百後梁後唐後晉後漢後周是為五  
季朝得暮失大亂極矣宋太祖立國之初五星聚  
奎漢洛開陶諸賢輩出若周敦頤程顥程頤司馬  
光張載邵雍朱熹相繼而起以開明斯道為己任  
身且不得見嘗而朱子集諸家說註四書五經其  
有功於學者大矣然而國勢不競歷年三百契丹

蒙古遼金迭為侵軼而及其垂亡天祥竭忠報  
宋竟死燕獄胡元滅宋混一區宇縣歷百年夷狄  
之盛未有若此者也天厭穢德大明中天聖繼神  
承於千萬年嗚呼三綱五常之道與天地相終始  
三代以前聖帝明王賢相良佐相與諸明之故治  
日常多亂日常少三代以後庸君暗主亂臣賊子  
相與敗壞之故亂日常多治日常少其所以世之  
治亂安危國之堯興存亡皆由於人倫之明不明  
如何耳可不察哉

東方初無君長有神人降于太白山檀木下國人  
立以為君與堯並立國號朝鮮是為檀君周武王  
封箕子于朝鮮教民禮義設八條之教有仁賢之  
化燕人衛滿因盧縮亂亡牟末誘逐箕準據王儉  
城至德右渠漢武帝討滅之分其地置樂浪臨屯  
玄菟真蕃四郡昭帝以平郡玄為平州臨屯樂浪  
為東府二都督府箕準避衛滿浮海而南居金馬  
郡是為馬韓秦亡人避入韓韓割東界以與之是  
為辰韓并韓則五國於韓地不知其始祖年代是  
為三韓新羅始祖赫居世都辰韓地以朴為姓高  
句麗始祖朱蒙至卒不自稱高辛之後因姓高百



濟始祖溫祚都河南慰禮城以扶錄為氏三國各  
保一隅互相侵伐其後唐高宗滅百濟高句麗分  
其地置都督府以劉仁願薛仁貴留留鎮撫之百  
濟曆年六百七十八年高句麗七百五年新羅之  
末弓裔叛于北京國號泰封甄萱叛據完山自稱  
後百濟新羅亡朴昔金三姓相傳曆年九百九十  
二年泰封諸將互王建為王國號高麗克剋群兇  
統合三韓移郡松嶽至于季世恭愍無嗣偽主辛  
禡昏暴自恣而王瑤不君遂至於亡曆年四百七  
十五年天命歸于真主大明太祖高皇帝賜改國  
號曰朝鮮定鼎于漢陽聖子神孫繼繼繩繩重熙  
累洽式至于今實萬世無疆之休於戲我國雖僻  
在海隅壤地褊少禮樂法度衣冠文物悉遵華制  
人備明於上教化行於下風俗之美倅擬中華華  
人稱之曰小中華茲豈非箕子之遺化耶嗟甬小  
子宜其觀感而興起哉

